



Ráitis Airgeadais

An tÚdarás Rialála Seirbhísí Maoine

Don bhliain dar críoch an Déardaoin 31 Nollaig 2020



AN tÚDARÁS RIALÁLA SEIRBHÍSÍ MAOINE

CLÁR ÁBHAIR

LEATHANACH

Faisnéis Ghinearálta	3
Ráiteas Rialachais agus Tuarascáil Chomhaltaí an Bhoird	4 - 8
Ráiteas ar Rialú Inmheánach	9 - 12
Tuarascáil an Chathaoirligh	13 - 14
Ráiteas maidir le hIoncam agus Caiteachas agus Cúlchistí Ioncaim Coinnithe	15
Ráiteas maidir leis an Staid Airgeadais	16
Ráiteas maidir le Sreabhadh Airgid	17
Nótaí leis na Ráitis Airgeadais	18 - 24



AN tÚDARÁS RIALÁLA SEIRBHÍSÍ MAOINE

FAISNÉIS GHINEARÁLTA

Ceannoifig an Údaráis Rialála Seirbhísí Maoine

Foirgnimh na Mainistreach
Bóthar na Mainistreach
An Uaimh
Co. na Mí
C15 K7PY

Comhaltaí Boird		Ceapachán tagtha chun deiridh
	Geraldine Clarke (Cathaoirleach)	27/11/2020
	Paul Mooney	27/11/2020
	Edward Carey	27/11/2020
	Muiris O'Ceidigh	
	Aideen Hayden	
	Hilary Griffey	
	Ella Dunphy	
	Gordon Hughes	
	Emer Byrne	
	Orla Moran	
	Martin McDermott	Éirithe As 24/06/2020
		Dáta arna Cheapadh
	Michael Quinlan (Cathaoirleach)	24/03/2021
	Geraldine Hynes	24/03/2021
	Aine Myler	24/03/2021
	Seamus Clifford	24/03/2021

Feidhmeannach Sinsearach: Maeve Hogan Uasal, (Príomhoifigeach Feidhmiúcháin)

Uimhir Theileafóin: (046) 903 3800

Uimhir Facs: (046) 903 3888

Láithreán Gréasáin: www.psr.ie

Ríomhphost: info@psr.ie

Iníúcháirí: Oifig an Ard-Reachtair Cuntas agus Ciste
3A Sráid an Mhéara Uachtarach
Baile Átha Cliath
D01 PF72



AN tÚDARÁS RIALÁLA SEIRBHÍSÍ MAOINE RÁITEAS RIALACHAIS AGUS TUARASCÁIL CHOMHALTAÍ AN BHOIRD

Rialachas

Bunaíodh Bord an Údaráis Rialála Seirbhísí Maoine faoin Acht um Sheirbhísí Maoine (Rialáil), 2011. Leagtar amach feidhmeanna an Údaráis i gCuid 2 Alt 10 den Acht seo. Tá an tÚdarás freagrach don Aire Dlí agus Cirt agus tá sé freagrach as a chinntiú go ndéantar dea-rialachas. Tugann sé faoin tasc seo trí chuspóirí agus spriocanna straitéiseacha a leagan amach agus cinntí straitéiseacha a ghlacadh maidir leis na príomhcheisteanna gnó ar fad. Is ar an bPríomhfheidhmeannach (CEO) agus ar an meitheal shinsearach bainistíochta a leagtar an fhreagracht as an ngnáthbhainistíocht ó lá go lá agus as an tÚdarás Rialála Seirbhísí Maoine a rialú agus a stiúradh. Ní mór don Phríomhfheidhmeannach agus don mheitheal shinsearach bainistíochta an stiúir straitéise ghinearálta arna leagan amach ag an Údarás a leanúint agus a chinntiú go mbíonn tuiscint léir ghlan ag gach comhalta den Údarás ar na bearta agus ar na cinntí príomhthábhachtacha ra bhaineann leis an eintiteas agus ar ábhar suntasach baoil a d'fhéadfadh a theacht chun cinn. Feidhmíonn an Príomhfheidhmeannach mar cheangal díreach caidrimh idir an Údarás agus lucht bainistíochta an Údaráis Rialála Seirbhísí Maoine.

Freagrachtaí an Údaráis

Leagtar obair agus freagrachtaí an Údaráis amach san Acht um Sheirbhísí Maoine (Rialáil), 2011, ina luaitear chomh maith na nithe sin nach féidir ach an tÚdarás cinneadh a dhéanamh ina leith. Ar na réimsí oibre a bhíonn ar chlár oibre an Údaráis lena meas go rialta, áirítear:

- dearbhú leasanna,
- tuarascálacha ó choistí
- tuarascálacha airgeadais/bainistíochta cuntais,
- tuairiscí ar chúrsaí feidhmíochta (ráitis straitéiseacha),
- clár riosca,
- staitisticí.

Ceanglaítear faoi Alt 22(2) den Acht um Sheirbhísí Maoine (Rialáil), 2011 ar an Údarás de Údarás Rialála Seirbhísí Maoine chun gach cuntas cuí agus rialta a choimeád ar airgead a fuair sé nó a chaith sé, i gcibé foirm a fhaomhfaidh an tAire Dlí agus Cirt le toiliú ón Aire Caiteachais Phoiblí agus Athchóirithe.

Agus na ráitis airgeadais seo á n-ullmhú, ceanglaítear ar Údarás an Údaráis Rialála Seirbhísí Maoine:

- beartais chuntasaíochta oiriúnacha a roghnú agus iad a fheidhmiú go seasta,
- breithiúnais agus meastacháin a dhéanamh atá réasúnach agus stuama;
- na ráitis airgeadais a ullmhú ar bhonn an ghnóthais leantaigh, sin mura mbíonn sé mí-oiriúnach glacadh leis go leanfaidh an comhlacht lena ghnó, agus
- a rá cibé ar ullmhaíodh na ráitis airgeadais de réir na gcaighdeán cuntasaíochta infheidhme, faoi réir ag aon imeacht ábhartha a nochtar agus a mhínítear sna ráitis airgeadais.

Tá an tÚdarás freagrach as taifid chuntasaíochta leordhóthanacha a choimeád a nochtann, go réasúnta cruinn ag aon tráth ar bith, a staid airgeadais agus a chuirfidh ar a chumas a chinntiú go bhfuil na ráitis airgeadais mar atá dlite faoi Alt 22(2) den Acht um Sheirbhísí Maoine (Rialáil), 2011. Is ar an Údarás a leagtar an fhreagracht maidir le heolas corparáide agus faisnéis airgeadais a chur ar fáil ar láithreán gréasáin Údaráis Rialála Seirbhísí Maoine agus maidir le hiomláine an ábhair sin.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Is é an tÚdarás atá freagrach as an bplean agus buiséad bliantúil a cheadú. Rinneadh measúnú ar fheidhmíocht an Údaráis Rialála Seirbhísí Maoine i gcomórtas leis an bplean bliantúil agus leis an mbuiséad an 18 Samhain 2020.

Tá an tÚdarás freagrach freisin as a shócmhainní a chosaint agus as sin, céimeanna réasúnacha a ghlacadh chun calaois nó mírialtachtaí eile a chosc agus a bhrath.

Measann an tÚdarás go dtugann ráitis airgeadais an Údaráis Rialála Seirbhísí Maoine léiriú cuí ar fheidhmíocht airgeadais agus ar staid airgeadais an Údaráis Rialála Seirbhísí Maoine amhail an 31 Nollaig 2020.

Struchtúr an Údaráis

Tá an tÚdarás comhdhéanta de Chathaoirleach agus deichniúr gnáthchomhaltaí atá ceaptha ar fad ag an Aire Dlí agus Cirt. Ceapadh comhaltaí an Údaráis ar feadh tréimhse ceithre bliana agus tháinig siad le chéile sé huaire le linn na bliana 2020. Leagtar amach sa tábla thíos mionolas faoi thréimhsí ceapacháin na gcomhaltaí reatha:

Comhalta Údaráis	Ról	Dáta a Ceapadh/a hAthcheapadh	Dáta Éaga an Cheapacháin
Geraldine Clarke	Cathaoirleach	*28/11/2016	27/11/2020
Paul Mooney	Comhalta	*28/11/2016	27/11/2020
Edward Carey	Comhalta	*28/11/2016	27/11/2020
Muiris O'Ceidigh	Comhalta	*28/11/2020	-
Aideen Hayden	Comhalta	*28/11/2020	-
Hilary Griffey	Comhalta	*28/11/2020	-
Ella Dunphy	Comhalta	15/04/2019	-
Gordon Hughes	Comhalta	15/04/2019	-
Emer Byrne	Comhalta	15/04/2019	-
Orla Moran	Comhalta	15/04/2019	-
Martin McDermott	Comhalta	04/06/2019	D'éirigh as an 24/06/2020

Rinneadh athbhreithniú inmheánach ar an Údarás in 2020.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Tá dhá choiste curtha ar bun ag an Údarás mar seo a leanas:

- Coiste Iniúcháireachta agus Riosca:** atá comhdhéanta de bheirt de chomhaltaí an Údaráis agus beirt chomhaltaí neamhspleácha. Is é ról an Choiste Iniúchta agus Riosca (CIR) ná tacaíocht a thabhairt don Údarás maidir lena chuid freagrachtaí i ndáil le saincheisteanna a bhaineann le riosca, rialú, rialachas agus dearbhú ina leith sin. Tá an CIR neamhspleách ar lucht bainistíochta airgeadais na heagraíochta. Déanann an Coiste, go háirithe, a chinntiú go mbíonn monatóireacht á déanamh go gníomhach agus go neamhspleách ar na córais rialála inmheánacha, na bearta iniúcháireachta san áireamh. Tuairiscíonn an CIR chuig an Údarás i ndiaidh gach cruinnithe. Is iad baill an Choiste Iniúchta agus Riosca ná: An Dr. Muiris O'Ceidigh (Cathaoirleach), Hilary Griffey Uasal, Therese Carolan Uasal (neamhspleách) agus an tUasal David Salter (Ceaptha 26/05/2020) (neamhspleách) Tháinig téarma ceapacháin an Uasail Myles O Reilly ar an ARC chun deiridh an 13/05/2020. Bhí 4 chruinniú ag an ARC in 2020.

- Coiste Comhairleach an Chiste Cúitimh:** comhdhéanta de thriúr comhaltaí den Údarás.

Tá Coiste Comhairleach an Chiste Cúitimh comhdhéanta de thriúr comhaltaí den Údarás: Hilary Griffey Uasal, An Dr. Aideen Hayden agus An Dr. Muiris O'Ceidigh. Déanann an Coiste Comhairleach iarratais ar dheontais don Chiste Cúitimh a mheas agus déanann sé moladh chun éilimh a leagtar faoi bhráid an Údaráis a dheonú, a dheonú i bpáirt nó a dhiúltú. Tháinig an Coiste le chéile 2 uair i rith na bliana, ar an 4 Meán Fómhair, 2020 agus ar an 18 Samhain, 2020, nuair a rinneadh trí éileamh don Chiste a mheas.

Sceideal maidir le cúrsaí Tinrimh, Táillí agus Costais

Leagtar amach thíos sceideal do fhreastal ag cruinnithe an Bhoird agus an Choiste do 2020 lena n-áirítear táillí agus costais a fuair gach comhalta :

	An Bord	Coiste an Chiste Cúitimh	Coiste Iniúchta agus Riosca	Táillí 2020 €	Caiteach as 2020 €
	6	2	4		
Geraldine Clarke	6			8,230	-
Paul Mooney	6			5,486	-
Edward Carey	6			5,486	54
Muiris O'Ceidigh	6	2	4	-	-
Aideen Hayden	6	2		5,985	-
Hilary Griffey	5	2	4	5,985	-
Ella Dunphy	6			5,985	1,237
Gordon Hughes	5			5,985	-
Emer Byrne	6			-	-
Orla Moran	6			5,985	50
Martin McDermott	3			-	-
Therese Carolan			2	-	-
David Salter			3	1,132	-
Myles O Reilly			1	-	-
				50,259	1,341



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Bhí triúr comhaltaí den Údarás, An Dr. Muiris O’Ceidigh, Emer Byrne Uasal and an tUasal Martin McDermott, nach bhfuair táillí Boird de réir phrionsabal an Aon Tuarastail Amháin don Aon Duine Amháin (OPOS).

Tháinig córam den Bhord le chéile trí huair breise in 2020 chun dhá Thuarascáil Deiridh Imscrúdaithe a bhreithniú. Comhalta Boird: Tháinig Emer Byrne Uasal, Orla Moran Uasal, an tUasal Edward Carey, an tUasal Gordon Hughes agus An Dr. Muiris O’Ceidigh le chéile uair amháin chun ceann de na Tuarascálacha Deiridh Imscrúdaithe a mheas. Tháinig córam eile de chomhaltaí Boird: An Dr. Muiris O’Ceidigh, an tUasal Paul Mooney, Ella Dunphy Uasal, Hilary Griffey Uasal agus An Dr. Aideen Hayden, le chéile chun an dara Tuarascáil Deiridh Imscrúdaithe a bhreithniú. Tháinig na comhaltaí le chéile faoi dhó leis an Tuarascáil seo a mheas. Táthar ag leanúint ar aghaidh leis an dá chás faoi láthair.

Athruithe ar Phríomhphearsana

D’éirigh comhalta amháin as an mBord i mí an Mheithimh 2020. Tháinig téarma oifige Chathaoirleach an Údaráis agus bheirt chomhaltaí an Údaráis chun deiridh i mí na Samhna 2020. Bhí na folúntais seo fós gan líonadh ar an 31 Nollaig 2020.

Nochtuithe a Éilítear faoi Chód Cleachtas maidir le Rialachas Comhlachtaí Stáit (2016)

Tá an tÚdarás freagrach as a chinntiú gur chomhlíon an tÚdarás Rialála Seirbhísí Maoine ceanglais Chód Cleachtas maidir le Rialachas Comhlachtaí Stáit (2016) ("an Cód") arna fhoilsiú ag an Roinn Caiteachais Phoiblí agus Athchóirithe i mí Lúnasa 2016. Éilítear na nochtuithe a leanas faoin gCód:

Miondealú ar shochair ghearrthéarmacha fostaithe

Áirítear i Nóta 4 (b) – Miondealú ar shochair fostaithe - tábla ina ndéantar miondealú ar shochair ghearrthéarmacha fostaithe.

Costais Chomhairleoireachta

Áirítear le costais chomhairleoireachta an costas a ghabhann le comhairle sheachtrach ar an lucht bainistíochta agus ní thugtar feidhmeanna ghnáthdhéanamh an ghnó seachfhoinsithe san áireamh.

	2020	2019
	€	€
Comhairle dlí	19,070	36,288
Iomlán	19,070	36,288



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Costais agus Socraíochtaí Dlí

Sa tábla thíos léirítear miondealú ar shuimeanna a aithnítear mar chaiteachas sa tréimhse tuairiscithe maidir le socraíochtaí, imeachtaí comhréitigh agus eadrána i ndáil le conarthaí le tríú páirtithe. Ní chuimsítear caiteachas a tabhaíodh maidir le comhairle ginearálta dlí a fuair an tÚdarás Rialála Seirbhísí Maoine agus a nochtar sna costais Chomhairleoireachta thuas.

	2020	2019
	€	€
Táillí Dlí - imeachtaí dlí	165,018	133,070
Iomlán	165,018	133,070

Costais Taistil agus Cothabhála

Déantar costais taistil agus cothabhála a chatagóiriú mar seo a leanas:

	2020	2019
	€	€
In Éirinn		
- An Bord	1,341	1,066
- Fostaithe	5,415	21,753
Iomlán	6,756	22,819

Caiteachas Fáilteachais

Luaitear caiteachas ar fháilteúlacht mar seo a leanas sa Chuntas Ioncaim agus Caiteachais:

	2020	2019
	€	€
Fáilteachas an Bhoird	-	1,100
Iomlán	-	1,100

Ráiteas faoi Chúrsaí Comhlíontais

Tá an Cód Cleachtais maidir le Comhlachtaí Stáit a Rialú (2016) glactha ag an Údarás agus tá nósanna imeachta curtha i bhfeidhm chun comhlíontacht leis an gCód a chinntiú. Bhí an tÚdarás Rialála Seirbhísí Maoine ag comhlíonadh go hiomlán leis an gCód Cleachtais chun Comhlachtaí Stáit a Rialú (2016) do 2020.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta:

An tUasal Michael Quinlan, Cathaoirleach:

Dáta:



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Scóip na Freagrachta

Thar ceann an Údaráis Rialála Seirbhísí Maoine, admhaím an fhreagracht atá ar an Údarás a chinntiú go ndéanfar córas éifeachtach rialaithe inmheánaigh a chothabháil agus a fheidhmiú san Údarás. Glactar san áireamh sa fhreagracht seo ceanglais an Chóid Cleachtais chun Comhlachtaí Stáit a Rialú (2016).

Cuspóir an Ráitis ar Rialú Inmheánach

Tá an córas rialála inmheánach leagtha amach chun riosca a bhainistiú a d'fhágfadh an riosca ar leibhéal inseasta seachas a bheith in ann a chur ar neamhní ar fad. Dá bhrí sin, ní féidir leis an gcóras ach deimhniú réasúnta seachas deimhnithe cinnte a thabhairt go bhfuil sócmhainní cosanta, idirbhearta údaraithe agus taifeadta go cuí agus go seachnaítear botúin nó neamhrialtachtaí nó go dtabharfaí faoi deara iad go tráthúil.

Bhí an córas um rialú inmheánach, atá de réir na teorach a d'eisigh an Roinn Caiteachais Phoiblí agus Athchóirithe, i bhfeidhm san Údarás Rialála Seirbhísí Maoine don bhliain dar críoch an Déardaoin 31 Nollaig 2020 agus suas go dtí an dáta ar ceadaíodh na ráitis airgeadais.

Rialuithe Inmheánacha atá i bhFeidhm

Tá an tÚdarás sásta go bhfuil na córais atá i bhfeidhm aige, réasúnach agus cuí i ndáil le himthosca an Údaráis ag féachaint dá mhéid, leibhéal caiteachais, acmhainní foirne agus cineál a chuid oibríochtaí. Ach mar sin féin, ní thugann na córais agus ní féidir leis na córais, deimhniú iomlán a sholáthar in aghaidh earráidí ábharacha.

Tá an Cód Cleachtais chun Comhlachtaí Stáit a Rialú a d'eisigh an Roinn Caiteachais Phoiblí agus Athchóirithe in 2016 glactha ag an Údarás Rialála Seirbhísí Maoine.

An Acmhainn déileáil le Riosca

Tá Coiste Iniúcháireachta agus Riosca (ARC) ag an Údarás Rialála Seirbhísí Maoine atá comhdhéanta de bheirt chomhaltaí Údaráis agus beirt chomhaltaí seachtracha. I mo Chathaoirleach ar an Údarás, táim sásta gur urscaoil an ARC a ról go héifeachtach le ceithre chruinniú tionólta in 2020.

Tá beartas bainistíochta riosca ina leagtar amach inghlacthacht riosca, na próisis bainistíochta riosca atá i bhfeidhm athbhreithnithe agus comhaontaithe ag an Údarás.

Is é an tAonad Iniúchta Inmheánaigh sa Roinn Dlí agus Cirt a chomhlíonann feidhm Iniúchta Inmheánaigh an Údaráis Rialála Seirbhísí Maoine faoi fhorghairseacht an Choiste Iniúchta ar Vóta 24 (Dlí agus Ceart). Is é ról Aonad Iniúchta Inmheánaigh na Roinne Dlí agus Cirt dearbhú neamhspleách a thabhairt don Oifigeach Cuntasaíochta ar éifeachtacht na rialuithe inmheánacha atá i bhfeidhm ar fud an Vóta.

Déanann Aonad Iniúchta Inmheánaigh na Roinne Dlí agus Cirt iniúchadh ar rialuithe airgeadais agus ar rialuithe eile san Údarás gach bliain.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Creat Riosca agus Rialaithe

Tá córas bainistíochta riosca curtha i bhfeidhm ag an Údarás Rialála Seirbhísí Maoine a aithníonn agus a thuairiscíonn na príomhrioscaí agus na gníomhartha bainistíochta atá á nglacadh chun dul i ngleic leis na rioscaí sin agus iad a mhaolú a mhéid agus is féidir.

Tá clár rioscaí i bhfeidhm a aithníonn na príomhrioscaí atá le sárú ag an Údarás agus tá siad sin aitheanta, measúnaithe agus grádáil déanta orthu de réir tábhachta. Déanann an Coiste Iniúcháireachta agus Riosca an clár a athbhreithniú agus a thabhairt cothrom le dáta, i gcomhar leis an Ardbhainistíocht. Baintear leas as torthaí na measúnachtaí sin chun acmhainní a phleanáil agus a leithroinnt chun a chinntiú go ndéantar rioscaí a bhainistiú chuig leibhéal inghlactha.

Tugtar mioneolas sa chlár rioscaí ar na bearta rialála agus na gníomhartha eile is gá chun rioscaí a mhaolú agus luaitear an dualgas maidir leis na bearta rialála a dhéanamh le daoine sonracha den lucht foirne. Deimhníonn an tÚdarás go bhfuil timpeallacht rialaithe i bhfeidhm a bhfuil na gnéithe seo a leanas mar chuid de:

- tá doiciméadú déanta ar nósanna imeachta do gach príomhphróiseas ghnó,
- freagrachtaí airgeadais sannta ag leibhéal bainistíochta agus cuntasacht dá réir i gceist,
- tá córas buiséadaithe iomchuí le buiséad bliantúil a bhíonn faoi athbhreithniú ag bainistíocht shinsearach ann,
- tá córais ann atá dírithe ar shlándáil na gcóras Teicneolaíochta Faisnéise agus Cumarsáide a chinntiú, Soláthraíonn Rannán TFC na Roinne Dlí agus Cirt seirbhísí TFC don Údarás Rialála Seirbhísí Maoine. I mí Feabhra 2020, chuir siad ráiteas dearbhaithe ar fáil inar leagadh amach na próisis rialaithe a bhí i bhfeidhm an tráth sin. Rinneadh iniúchadh inmheánach sa bhliain 2018 ar an gcóras TFC a chuir an Roinn Dlí agus Cirt ar fáil don Údarás Rialála Seirbhísí Maoine, aithníodh saincheisteanna ar ábhar inní iad maidir leis an gcóras a bhí i bhfeidhm agus tugadh moltaí don Rannán TFC le dul i ngleic leo. Tá roinnt maith de na moltaí seo fós le réiteach ar an 31 Nollaig 2020, agus is ábhar inní sin don Údarás. Cuireann An Post córas iarratais ceadúnais ar líne ar fáil trí [Licences.ie](https://licences.ie) thar ceann an Údaráis Rialála Seirbhísí Maoine. Fuarthas doiciméad dearbhaithe ó An Post i mí Feabhra 2020 maidir le slándáil agus rialuithe an chórais de réir mar a bhí i bhfeidhm i rith na bliana 2020. Tá comhaontú leibhéal seirbhíse i bhfeidhm le An Post.
- tá córais i bhfeidhm chun sócmhainní an Údaráis Rialála Seirbhísí Maoine a chosaint, agus
- tá nósanna imeachta rialaithe ann maidir le measúnú agus íocaíochtaí as an gciste cúitimh.

Cuireadh gnéithe áirithe den timpeallacht rialaithe laistigh den eagraíocht in oiriúint chun rioscaí a bhaineann leis na srianta a cuireadh i bhfeidhm san ionad oibre de dheasca Covid-19 a mhaolú.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Monatóireacht agus Athbhreithniú Leanúnach

Tá Doiciméad Rialaithe Inmheánaigh i bhfeidhm ag an Údarás Rialála Seirbhísí Maoine, ar doiciméad é ina sainaitnítear na rioscaí don Údarás, na rialuithe atá i bhfeidhm agus na nósanna imeachta tuairiscithe agus faireacháin.

Déanann an tÚdarás na mórchinntí straitéiseacha agus tagann sé le chéile ag eatraimh tráthrialta chun faireachán a dhéanamh ar fheidhmíocht agus ar phleananna. Ní ghníomhaíonn an lucht bainistíochta feidhmiúcháin ach de réir an údaráis a tharmligeann an tÚdarás chucu chun éifeacht a thabhairt do bheartais agus do chinntí an Údaráis.

Rinneadh lámhleabhar mionsonraithe nós imeachta a ullmhú agus a chur i bhfeidhm. Nuair is féidir, déantar dualgais foirne a dheighilt go cuí agus na rioscaí atá ann an líon teoranta foirne á gcur san áireamh.

Deimhním go bhfuil na córais faireacháin leanúnaigh seo a leanas i bhfeidhm:

- Sainaitníodh príomhrioscaí agus príomhrialuithe agus cuireadh próisis i bhfeidhm chun faireachán a dhéanamh ar oibriú na bpríomhrialuithe sin agus chun aon easnaimh a thuairisciú,
- Tá nósanna imeachta foirmiúla ann maidir le gach cineál earra agus seirbhís a cheannach, maidir le sonraisc a cheadú i ndáil le hearraí agus seirbhísí agus maidir le híocaíocht a údarú i ndáil le hearraí agus seirbhísí.
- Déanann an Príomhoifigeach Feidhmiúcháin athbhreithnithe go tráthrialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht i gcomparáid le buiséid/réamhaisnéisí.
- Tagann nósanna imeachta an Údaráis maidir le rialú airgeadais agus rialuithe eile faoi réir athbhreithniú bliantúil ag an Aonad Iniúchta Inmheánaigh sa Roinn Dlí agus Cirt. Déanann Coiste Iniúchta na Roinne Dlí agus Cirt athbhreithniú ar obair an Aonaid Iniúchta Inmheánaigh.
- Tá socrúithe tuairiscithe bunaithe ag gach leibhéal ina bhfuil freagracht i leith bainistíocht airgeadais sannta.

Dearbhuithe

Teicneolaíochtaí Faisnéise agus Cumarsáide

Baineann an tÚdarás Rialála Seirbhísí Maoine leas as an tseirbhís chomhroinnte tacaíochta TFC a chuireann an Roinn Dlí agus Cirt ar fáil. Tá Comhaontú Leibhéil Seirbhíse ann leis an Roinn i ndáil leis an tseirbhís TFC agus tá socrúithe i bhfeidhm chun cúlaca a ullmhú i leith chórais ÚRSM. Cuireadh doiciméad dearbhaithe ar fáil ó Bhainistíocht agus Teicneolaíocht Faisnéise na Roinne Dlí agus Cirt maidir le rialuithe a bhí i bhfeidhm sa bhliain 2020.

Cuireann An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine. Chuir an córas ar líne go mór le héifeachtúlacht agus éifeachtacht an phróisis ceadúnais. Fuarthas doiciméad dearbhaithe ó An Post maidir le slándáil agus rialuithe an chórais atá ann. Tá comhaontú leibhéal seirbhíse i bhfeidhm le An Post.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Seirbhísí Airgeadais Comhroinnte

Baineann an tÚdarás Rialála Seirbhísí Maoine leas as na seirbhísí comhroinnte airgeadais a chuireann an Roinn Dlí agus Cirt ar fáil. Fuarthas litir dearbhaithe ón Roinn Dlí agus Cirt maidir le rialuithe i dtaca le soláthar seirbhísí comhroinnte.

Ina theannta sin, baineann an tÚdarás Rialála Seirbhísí Maoine leas as seirbhísí comhroinnte de chuid an Ionaid Seirbhísí Comhroinnte Párolla (PSSC) atá á riar ag an Roinn Caiteachais Phoiblí agus Athchóirithe. Tá an tseirbhís sin cumhdaithe faoi Chomhaontú Leibhéil Seirbhíse atá ann idir an PSSC agus an Roinn.

Soláthar

Deimhním go bhfuil nósanna imeachta curtha i bhfeidhm ag an Údarás Rialála Seirbhísí Maoine chun a chinntiú go gcomhlíontar na rialacha agus na treoirínte reatha maidir le soláthar agus gur chomhlíon an tÚdarás Rialála Seirbhísí Maoine na nósanna imeachta sin sa bhliain 2020.

Athbhreithniú ar Éifeachtacht

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun monatóireacht a dhéanamh ar éifeachtacht na nósanna imeachta bainistíochta riosca agus rialaithe. Maidir le hobair an Údarás Rialála Seirbhísí Maoine i ndáil le faireachán agus athbhreithniú ar an gcóras rialaithe iniúchta inmheánaigh, tá sé bunaithe ar obair na n-iniúcháirí inmheánacha agus na n-iniúcháirí seachtracha, ar obair an Coiste Iniúchta agus Riosca a dhéanann formhaoirseacht ar obair na n-iniúcháirí sin agus ar obair an lucht bainistíochta sinsearaí laistigh den Údarás Rialála Seirbhísí Maoine atá freagrach i ndáil leis an gceat rialaithe inmheánaigh airgeadais a fhorbairt agus a chothabháil.

Deimhním gur thug an tÚdarás faoi athbhreithniú bliantúil ar éifeachtacht na rialuithe inmheánacha don bhliain 2020. Tá an tÚdarás sásta, a mhéid is indéanta, gur córais éifeachtacha iad na córais rialaithe inmheánaigh airgeadais a bunaíodh agus a cuireadh chun feidhme san Údarás Rialála Seirbhísí Maoine don bhliain airgeadais dar críoch an 31 Nollaig 2020.

Saincheisteanna Rialaithe Inmheánaigh

Nochtadh Mionsonraí faoi Chásanna inar tharla Sárúithe ar Rialú.

Níor sainaithníodh aon laigí sa bhliain 2020 maidir le rialuithe inmheánacha ar laigí iad ar gá nochtadh a dhéanamh ina leith sna ráitis airgeadais.

Nochtadh Mionsonraí faoi Chailteanais Ábhartha nó faoi Chalaouis

Níl aon ábhair chalaouis le tuairisciú don bhliain 2020.



AN tÚDARÁS RIALÁLA SEIRBHÍSÍ MAOINE

DEIMHNIÚ AN ARD-REACHTAIRE CUNTAS AGUS CISTE



An tArd Reachtaire Cuntas agus Ciste An Ard-Reachtaire Cuntas agus Ciste

Tuarascáil le cur faoi bhráid Thithe an Oireachtais An tÚdarás Rialála Seirbhísí Maoine

Tuairim ar na ráitis airgeadais

Rinne mé iniúchadh ar ráitis airgeadais an Údarás Rialála Seirbhísí Maoine don bhliain dar críoch an Déardaoin 31 Nollaig 2020 faoi réir fhorálacha alt 22 den Acht um Sheirbhísí Maoine (Rialáil), 2011. Tá na ráitis airgeadais comhdhéanta de

ráiteas ar ioncam agus ar chaiteachas agus ar chúlchistí coinnithe ioncaim

an ráiteas ar an staid airgeadais

an ráiteas maidir le sreabhadh airgid agus

na nótaí gaolmhara, lena n-áirítear achoimre ar na beartais cuntasáíochta suntasacha.

Is é mo thuairim,

go dtugann na ráitis airgeadais léargas ceart ar airgead a fuair nó a chaith an tÚdarás Rialála Seirbhísí Maoine sa bhliain 2020 agus

go bhfuil an staid airgeadais amhail an Déardaoin 31 Nollaig 2020 de réir na mbeartas cuntasáíochta atá leagtha amach sna ráitis airgeadais.

An bonn atá leis an tuairim

Thug mé faoi m'iniúchadh ar na ráitis airgeadais de réir Chaighdeán Idirnáisiúnta Iniúcháireachta (ISAnna) faoi mar atá fógartha ag Eagraíocht Idirnáisiúnta na nInstitiúidí Náisiúnta Iniúcháireachta. Déantar cur síos ar na freagrachtaí atá orm faoi na caighdeáin sin i bhfoscscríbhinn na tuarascála seo. Táim neamhspleách ar an Údarás Rialála Seirbhísí Maoine agus tá mo chuid freagrachtaí eitiiciúla eile comhlíonta agam de réir na gcaighdeán. Measaim go bhfuil an fhianaise iniúchta atá aimsithe agam leordhóthanach agus ábhartha chun bunús a chur le mo thuairim.

Tuairisc ar nithe eile seachas na ráitis airgeadais agus ar nithe eile

Tá faisnéis áirithe eile chomh maith leis na ráitis airgeadais curtha i láthair ag an Údarás Rialála Seirbhísí Maoine. Cuimsítear leis sin an ráiteas rialachais agus an ráiteas maidir le rialú inmheánach. Déantar cur síos ar na freagrachtaí atá orm le tuairisc a thabhairt maidir leis an eolas sin, agus ar ábhair áirithe eile lena dtuairiscím trí eisceacht, i bhfoscscríbhinn na tuarascála seo.

Níl tuairisc ar bith le tabhairt agam ina leith sin.

Colette Drinan

Do agus thar ceann

An Ard-Reachtaire Cuntas agus Ciste

Dé Luain 31 Bealtaine 2021



AN tÚDARÁS RIALÁLA SEIRBHÍSÍ MAOINE DEIMHNIÚ AN ARD-REACHTAIRE CUNTAS AGUS CISTE

Aguisín a ghabhann leis an tuarascáil

Freagrachtaí an Údaráis

Leagtar amach freagrachtaí chomhaltaí an Údaráis sa ráiteas rialachais agus i dtuarascáil chomhaltaí an Údaráis. Tá comhaltaí an Údaráis freagrach as

- ráitis airgeadais a ullmhú ar an mbealach a fhorordaítear faoi alt 22 den Acht um Sheirbhísí Maoine (Rialáil), 2011
- a chinntiú go dtugann na ráitis airgeadais léargas ceart ar airgead a fuarthas nó a caitheadh sa bhliain 2020, agus ar an staid airgeadais amhail an Déardaoin 31 Nollaig 2020 de réir na mbeartas cuntasáíochta atá leagtha amach sna ráitis airgeadais
- oiriúnacht maidir le húsáid a bhaint as bonn cuntasáíochta an ghnóthais leantaigh a mheas, agus
- rialú inmheánach dá leithéid a chinneann siad atá riachtanach d'fhonn ráitis airgeadais a ullmhú atá saor ó mhráiteas ábhartha, cibé mar thoradh ar chalaos nó earráid.

Freagrachtaí an Ard-Reachtair Cuntas agus Ciste

Éilítear orm faoi alt 22 den Acht ráitis airgeadais an Údaráis Rialála Seirbhísí Maoine a iniúchadh agus tuairisciú ina leith chuig Tithe an Oireachtais.

Is é an cuspóir atá agam agus an t-iniúchadh á chur i gcrích agam ná teacht ar dhearbhu réasúnach ar cibé an bhfuil na ráitis airgeadais tríd is tríd saor ó aon mhráiteas ábhartha mar thoradh ar chalaos nó earráid. Is ionann dearbhú réasúnach agus leibhéal ard dearbhaite ach ní hionann é is barántas go dtiocfar i gcónaí, le linn iniúchadh a dtugtar faoi de réir na ISAnna ar mhráiteas ábhartha nuair is ann dóibh. D'fhéadfadh míráiteas eascairt ó chalaos nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh de réir na ISAnna, cuirim breithiúnas gairmiúil i bhfeidhm agus cloím le sceipteachas gairmiúil i rith an iniúchta. Lena linn sin déanaim,

Na rioscaí a bhaineann le míráiteas ábhartha ar na ráitis airgeadais, cibé acu atá sé mar thoradh ar chalaos nó earráid a shainaitheint agus a mheas; nósanna imeachta iniúchta a leagan amach agus a chur i gcrích atá freagrúil do na rioscaí sin; fianaise iniúchóireachta a fháil atá leordhóthanach agus ábhartha chun bonn a chur faoi mo thuairim. Tá riosca níos mó ann nach dtiocfar ar mhráiteas ábhartha mar gheall ar chalaos seachas mar gheall ar earráid, ós rud é go bhféadfadh claonpháirteachas, brionnú, easnaimh d'aon turas, mífhaisnéis nó rialú inmheánach a shárú a bheith i gceist.

Tuiscint a fháil ar rialú inmheánach a bhaineann leis an iniúchadh d'fhonn nósanna imeachta iniúchta a leagan amach atá oiriúnach sna himthosca, ach gan chun críche tuairim a chur in iúl maidir le héifeachtúlacht na rialuithe inmheánacha.

Oiriúnacht na mbeartas cuntasáíochta a úsáidtear agus réasúnacht na meastachán cuntasáíochta agus na nochtuithe ábhartha a mheas.

Oiriúnacht maidir le húsáid a bhaint as bonn cuntasáíochta an ghnóthais leantaigh a chinneadh, bunaithe ar an bhfianaise iniúchóireachta a fuarthas, maidir le cibé acu a bhfuil éiginnteacht ábhartha ann nó nach bhfuil a bhaineann le himeachtaí nó coinníollacha a d'fhéadfadh

amhras suntasach a chaitheamh ar chumas an Údaráis Rialála Seirbhísí Maoine leanúint mar ghnóthas leantach. Má chinnim go bhfuil éiginnteacht ábhartha ann, tá sé de cheanglas orm aird a tharraingt i mo thuarascáil ar na nochtuithe ábhartha atá sna ráitis airgeadais, nó mura leor nochtuithe dá leithéid, mo thuairim a mhionathrú. Tá mo chonclúidí bunaithe ar an bhfianaise iniúchóireachta a fuarthas suas go dtí dáta mo thuarascála. Ach mar sin féin, d'fhéadfadh imeachtaí nó coinníollacha amach anseo a bheith mar chúis leis an Údarás Rialála Seirbhísí Maoine scor de bheith ag feidhmiú mar ghnóthas leantach.

Cur i láthair, struchtúr agus ábhar ginearálta na ráiteas airgeadais a mheas, lena n-áirítear nochtuithe, agus cibé an léiríonn nó nach léiríonn na ráitis airgeadais na hidirbhearta bunúsacha agus na himeachtaí ar bhealach trína mbaintear amach cur i láthair atá cothrom.

Déanaim teagmháil leosan a leagtar de chúram orthu rialachas maidir le, i measc ábhair eile, scóip agus tráthúlacht an iniúchta agus fionnachtana suntasacha an iniúchta, lena n-áirítear aon easnaimh shuntasacha sa rialú inmheánach a shainaitheint le linn m'iniúchta.

Faisnéis seachas na ráitis airgeadais

Ní bhaineann mo thuairim a thugaim ar na ráitis airgeadais le haon fhaisnéis eile a ndéantar a chur i láthair sna ráitis sin, agus ní thugaim aon deimhniú conclúideach de chineál ar bith ina leith.

Maidir le m'iniúchadh ar na ráitis airgeadais, tá sé de cheanglas orm faoi na ISAnna an fhaisnéis eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó sin an léir go bhfuil míráiteas ábhartha i gceist. Má shocraim, bunaithe ar an obair atá déanta agam, go bhfuil míráiteas ábhartha i gceist san fhaisnéis eile seo, éilítear orm tuairisciú ina leith sin.

Tuairisciú ar ábhair eile

Déanaim m'iniúchadh trí thagairt a dhéanamh do bhreithnithe speisialta a ghabhann le comhlachtaí Stáit maidir lena mbainistíocht agus lena n-oibríocht. Tuairiscím má fhaighim nithe ábhartha ann a bhaineann leis an tslí a ndearnadh gnó poiblí.

Lorgaím fianaise faoi rialtacht na n-idirbheart airgeadais le linn an iniúchta. Tuairiscím ar aon chás ábhartha nach bhfeidhmítear airgead poiblí chun na gcríoch dá bhfuil sé beartaithe, nó sa chás nach mbíonn na hidirbhearta ag teacht leis na húdaráis a dhéanann rialú orthu.

Tuairiscím trí eisceacht chomh maith más rud é, de réir mo thuairime,

nach bhfaighim an fhaisnéis agus na mínithe go léir a theastaíonn uaim chun m'iniúchadh a dhéanamh, nó

nach raibh taifid cuntasáíochta leordhóthanacha ann chun go bhféadfaí na ráitis airgeadais a iniúchadh go hiomchuí agus go réidh, nó nach bhfuil na ráitis airgeadais ag teacht leis na taifid chuntasáíochta.



AN tÚDARÁS RIALÁLA SEIRBHÍSÍ MAOINE

**RÁITEAS MAIDIR LE hIONCAM AGUS CAITEACHAS AGUS CÚLCHISTÍ
IONCAIM COINNITHE DON bhLIAIN DAR CRÍOCH AN Déardaoin 31 Nollaig
2020**

Ioncam	Nótaí	2020	2019
		€	€
Deontas Oireachtais	2	2,400,860	2,558,359
Acmhainní dílse	3	2,238,426	2,298,568
Ioncam Iomlán		4,639,286	4,856,927
Caiteachas			
Costais foirne	4	1,451,543	1,470,059
Riarachán, Oibríochtaí agus cur chun cinn	5	955,913	1,113,273
Táille iniúchta		13,710	12,600
Dímheas	6	71,854	68,333
Caiteachas iomlán		2,493,020	2,664,265
Barrachas don bliain roimh leithreasuithe		2,146,266	2,192,662
Aistriú ón gCuntas Caipitil	7	71,854	68,333
Curtha ar ais chuig an Roinn Dlí agus Cirt	1(b)	(2,210,000)	(2,250,000)
Barrachas don bhliain tar éis leithreasuithe		8,120	10,995
Barrachas a tugadh ar aghaidh amhail an 1 Eanáir		105,404	94,409
Barrachas a tugadh ar aghaidh amhail an 31 Nollaig		113,524	105,404

Áirítear gnóthachain agus cailteanais a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe. Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta:

An tUasal Michael Quinlan, Cathaoirleach:

Dáta:



AN tÚDARÁS RIALÁLA SEIRBHÍSÍ MAOINE

RÁITEAS MAIDIR LEIS AN STAID AIRGEADAIS
AMHAIL AN Déardaoin 31 Nollaig 2020

	Nótaí	2020 €	2019 €
Sócmhainní Seasta			
Maoin innealra agus trealamh	6	113,439	180,459
Sócmhainní reatha			
Airgead tirim agus coibhéisí airgid		128,658	123,433
Fardail	8	37,591	26,928
Féichiúnaithe agus réamhíocaíochtaí	9	19,679	19,216
		185,928	169,577
Dliteanais reatha			
Suimeanna Iníoctha agus fabhruithe	10	72,404	64,173
Glansócmhainní reatha		113,524	105,404
Glansócmhainní Iomlána		226,963	285,863
A Ionadaíonn do			
Cuntas Caipitil	7	113,439	180,459
Cúlchistí ioncaim coinnithe		113,524	105,404
		226,963	285,863

Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta:

An tUasal Michael Quinlan, Cathaoirleach:

Dáta:



AN tÚDARÁS RIALÁLA SEIRBHÍSÍ MAOINE
RÁITEAS MAIDIR LE SREABHADH AIRGID
DON BHLIAIN DAR CRÍOCH AN Déardaoin 31 Nollaig 2020

Glan-sreabhadh airgid ó Ghníomhaíochtaí Oibriúcháin	2020	2019
	€	€
Barrachas Oibriúcháin don bhliain	8,120	10,995
Dímheas ar mhaoin, fearas agus trealamh	71,854	68,333
Glanaistriú chuig cuntas caipitil	(67,020)	(56,247)
(Ardú) ar fhardail	(10,663)	(10,756)
(Ardú)/ Laghdú ar infháltais agus réamhíocaíochtaí	(463)	11,430
Ardú/ (Laghdú) ar shuimeanna iníochta agus fabhrúithe	8,231	(521)
Insreabhadh airgid nua ó Ghníomhaíochtaí Oibriúcháin	10,059	23,234
Sreabhadh airgid ó ghníomhaíochtaí infheistíochta Íocaíochtaí chun maoin, fearas agus trealamh a fháil	(4,834)	(12,086)
Méadú ar Airgead tirim agus coibhéisí Airgid thirim	5,225	11,148
 Ráiteas maidir le hathruithe i nglanchistí		
Glanchistí amhail an Dé Céadaoin 1 Eanáir 2020	123,433	112,285
Glanchistí amhail an Déardaoin 31 Nollaig 2020	128,658	123,433
Glan-Bharrachas ar airgead tirim agus coibhéisí airgid thirim	5,225	11,148

Is cuid dhílis de na ráitis airgeadais seo iad na nótaí 1 go dtí 15.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta:

An tUasal Michael Quinlan, Cathaoirleach:

Dáta:



**AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN Déardaoin 31 Nollaig 2020**

1. Beartais Chuntasaíochta

a) Tá an bunús cuntasaíochta agus na beartais cuntasaíochta shuntasacha atá glactha ag an Údarás Rialála Seirbhísí Maoine leagtha amach thíos. Cuireadh i bhfeidhm go seasta iad i rith na bliana agus sa bhliain roimhe sin.

b) Faisnéis Ghinearálta

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011. Tá an cheannoifig lonnaithe ag Foirgnimh na Mainistreach, Bóthar na Mainistreach, An Uaimh, Co. Na Mí, C15 K7PY. Is iad a leanas príomhchuspóirí an Údaráis Rialála Seirbhísí Maoine mar a leagtar amach in Alt 11 den Acht um Sheirbhísí Maoine (Rialáil), 2011:

- Ceadúnais a eisiúint agus a athnuachan;
- Clár na gCeadúnaithe a Chothabháil;
- Riachtanais cáilíochtaí agus riachtanais eile a fhorfheidhmiú
- Caighdeáin a fhorfheidhmiú, caighdeáin theicniúla agus caighdeáin eitice chuí san áireamh;
- An Ciste a Riaradh;
- Córán imscrúdúcháin i dtaobh ceadúnaithe a riaradh;
- Mion-smachtbhannaí nó mór-smachtbhannaí a fhorchur ar cheadúnaithe;
- Iarratas a dhéanamh chuig an Ard-Chúirt chun mór-smachtbhannaí a fhorchur ar cheadúnaithe a dheimhniú;
- Feasacht an phobail a chur chun cinn agus faisnéis a scaipeadh ar an bpobal i ndáil le seirbhísí maoine;
- Na Cóid Chleachtais a chur chun cinn;
- An tAire a choinneáil ar an eolas faoi fhorbairtí maidir le ceadúnaithe a bheith ag soláthar seirbhísí maoine ag ceadúnaithe agus cuidiú leis an Aire beartas a chomhordú agus a fhorbairt ina leith sin;
- Sonraí phraghsanna díola maoine cónaithe a fhoilsiú;
- Bunachar na Léasanna Tráchtála a Chothabháil; agus
- Aon fheidhmeanna eile tugtha dó ag aon fhoráil den Acht nó in aon achtachán eile nó ag rialacháin a ndéantar faoin Acht nó aon achtachán eile a chomhlíonadh.

Is Eintiteas Leasa Phoiblí (PBE) é an tÚdarás Rialála Seirbhísí Maoine.

Déantar na táillí ceadúnas a ghineann an tÚdarás a íoc isteach sa Státchiste agus ansin déanann an Státchiste foráil airgeadais don Údarás. Deirtear in Alt 25(3) den Acht go mbeidh an méid iomlán de na táillí a ghearrtar go bliantúil faoin Acht seo, ag leibhéal chomh gar agus is féidir, ag cur bliain amháin le bliain eile, ionann leis an gcaiteachas iomlán a thabhaítear go bliantúil i ndáil leis an Acht seo a riar. In 2020, d'íoc an tÚdarás €2,210,000 ar an Státchiste agus fuair sé foráil airgeadais €2,405,694 (féach nóta 2)

Ceanglaítear faoi Alt 77(1) den Acht ar an Údarás ciste ar a dtugtar an Ciste Cúitimh um Sheirbhísí Maoine a bhunú, a riar agus a chothabháil. Ullmhaítear agus iniúchtar cuntais an Chiste ar leithligh de réir sceidil 6 den Acht.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN Déardaoin 31 Nollaig 2020

c) **Bunús na cuntasáíochta**

Ullmhaíodh ráitis airgeadais an Údaráis Rialála Seirbhísí Maoine don bhliain dar críoch an 31 Nollaig 2020 de réir na mbeartas cuntasáíochta a leagtar amach thíos, agus san foirm a fhaomhfaidh an tAire Dlí agus Cirt le toiliú ón Aire Caiteachais Phoiblí agus Athchóirithe.

d) **Ioncam**

Ioncam a aithnítear sna ráitis airgeadais faoi dheontas Oireachtais arbh ionann é agus maoiniú a cuireadh ar fáil don Údarás trí Vóta na Roinne Dlí agus Cirt a dhéanann gach íocaíocht thar ceann an Údaráis. Meaitseálann ioncam deontais an Oireachtais agus ioncam a cuireadh i bhfeidhm maidir le caiteachas caipitil an tsuim a chuirtear in aghaidh chuntais leithreasa na Roinne.

Déantar an t-ioncam ón táille ceadúnais a áireamh ar iarratas ceadúnais a fháil. Cuirtear ioncam ó tháillí ceadúnais ar ais chuig an Roinn Dlí agus Cirt uair sa ráithe. Déantar é a thairfeadh mar leithreasáí i gcabhair i gcuntais de chuid na Roinne. Coinníonn an tÚdarás iarmhéid ina chuid cuntas chun táillí a aisíoc.

e) **Caiteachas**

Déanann an Roinn Caiteachais Phoiblí agus Athchóirithe próiseáil ar chaiteachas ar fad lena n-áirítear párolla agus tairfeadh ar bhonn fabhrúithe é sna ráitis airgeadais.

Tá gach ball d'fhoireann an Údaráis ar iasacht ón Roinn Dlí agus Cirt. Déanfar dlíteanas pinsin d'fhoireann den sórt sin a sheasamh as Vóta 12 Aoisliúntas agus níl aon fhoráil déanta i ndáil leis na costais seo sna ráitis airgeadais.

f) **Maoin, Innealra agus Trealamh**

Léirítear maoin, innealra agus trealamh ar an nglanluach leabhair ar dháta an aistrithe chuig an Údarás.

Déantar dímhéas ar mhaoin, innealra agus trealamh ar bhonn líne díri thar a saol úsáideach measta ag tosú sa chéad mhí a gcuirtear an tsócmhainn i bhfeidhm.

Troscán	10% de réir na líne díri
Crua-earraí agus Bogearraí TF	20% de réir na líne díri
Trealamh Oifige	20% de réir na líne díri

g) **Fardail**

Aithnítear fardail atá comhdhéanta d'earraí nach bhfuil le hathdhíol ag an gcostas is ísle de chostas agus an glanluach inréadaithe (NRV). Déantar costas a ríomh ar bhonn is tuisce isteach is tuisce amach (FIFO) agus áirítear gach costas ceannaigh. Is é NRV an praghas díola (iarmhír nó measta) lúide gach costas breise riachtanach lena thabhairt chun críche.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN Déardaoin 31 Nollaig 2020

h) Cuntas Caipitil

Is ionann an cuntas caipitil agus an luach ioncaim neamhamúchta a úsáidtear do chaiteachas caipitil.

i) Sochair d'Fhostaithe

Sochair Ghearrthéarmacha

Aithnítear sochair ghearrthéarmacha, mar saoire le pá mar chostas sa bhliain, agus áirítear sochair a thabhaítear ag deireadh na bliana sa bhfigiúr 'caiteachas' sa Ráiteas maidir le Staid Airgeadais.

Sochair Scoir

Is státseirbhísigh iad fostaithe an Údaráis Rialála Seirbhísí Maoine agus tá siad ina gcomhaltaí de scéim sochair shainithe neamh-mhaoinithe agus déanann an Roinn Caiteachais Phoiblí agus Athchóirithe an scéim a riaradh.

Rinneadh dlí d'Acht na Seirbhíse Poiblí (Scéim Aonair agus Forálacha eile) 2012 an 28 Iúil 2012 agus leis sin tugadh isteach an Scéim Pinsean Seirbhíse Poiblí Aonair ('An Scéim Aonair') a tháinig i bhfeidhm an 01 Eanáir 2013. Tá gach ball foirne den Údarás Rialála Seirbhísí Maoine, a bheadh ag obair san earnáil phoiblí den chéad uair, ar nó i ndiaidh an 01 Eanáir 2013 ina chomhalta ar an Scéim Aonair.

Níl aon mhuirear sna ráitis airgeadais d'aon dliteanas a d'fhéadfadh eascairt as sochair scoir an Údaráis Rialála Seirbhísí Maoine.

2 Deontas Oireachtais	2020	2019
	€	€
Fo-cheanteidil A11 de Vóta 24 - Dlí agus Ceart	2,400,860	2,558,359

I dteannta dheontas an Oireachtais, cuireadh suim €4,835 ar fáil don Údarás chun críocha caiteachas caipitiúil.

3 Acmhainní Dílse

	2020	2019
	€	€
Ioncam faighte ó tháillí ceadúnais	2,317,850	2,362,854
Lúide aisíocaíochtaí	(82,867)	(75,000)
Ioncam Ilchineálach	3,443	10,714
Ioncam Iomlán	2,238,426	2,298,568

Ní mór do Cheantálaithe, gníomhairí eastáit, gníomhairí ligin agus gníomhairí bainistíochta a bheith ceadúnaithe agus rialáilte ag an Údarás. Tá táillí ceadúnais le híoc gach bliain. Rinne an tÚdarás Rialála Seirbhísí Maoine i bhfeidhmiú na gcumhachtaí a tugadh dó faoi alt 95 den Acht um Sheirbhísí Maoine (Rialáil), 2011 le toiliú ón Aire Dlí agus Cirt rialacháin a tháinig i bhfeidhm an 30 Bealtaine 2012. San Acht um Sheirbhísí Maoine (Rialáil), 2011 (Ceadúnúchán) Rialacháin 2012 leagtar amach an táille a



bhaineann le ceadúnas a eisiúint nó a athnuachan: fostóir seirbhísí maoine €1,000, conraitheoir neamhspleách €1,000 agus príomhoifigeach nó fostaí €100.

AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN Déardaoin 31 Nollaig 2020

4. Tuarastail

(a) Sochar Comhiomlán d'Fhostaithe

	2020	2019
	€	€
Pá agus tuarastail	1,444,787	1,447,240
Taisteal agus cothabháil	6,756	22,819
Iomlán	1,451,543	1,470,059

D'fhostaigh an tÚdarás 30.8 ball foirne buana coibhéis lánaimseartha in 2020 (2019: 29.8) agus níor fostaíodh ball foirne sealadach ar bith in 2020 (2019: 6).

Ní raibh aon ró-íocaíochtaí ann amhail an Déardaoin 31 Nollaig 2020 ná an Dé Máirt 31 Nollaig 2019.

Miondealú ar Shochair

(b) d'Fhostaithe

Raon de Shochair d'Fhostaithe
Iomlána

Ó	Go	Líon na bhFostaithe	
		2020	2019
€60,000 - €69,999		1	1
€70,000 - €79,999		1	1
€80,000 - €89,999		-	-
€90,000 - €99,999		-	-
€100,000 - €109,999		1	1

Tabhair ar Aird: Chun críocha an nochtá seo, áirítear sochair ghearrthéarmacha fostaithe maidir le seirbhísí a soláthraíodh le linn na tréimhse tuairiscithe, liúntais ragoibre agus íocaíochtaí eile déanta thar ceann an fhostaí ach ní áirítear ÁSPC an fhostóra.

(c) Luach saothair an Phríomhfheidhmeannaigh

Ba €103,126 (€100,697 in 2019) luach saothair an Phríomhfheidhmeannaigh don bhliain dar críoch an Déardaoin 31 Nollaig 2020. Rinneadh íocaíochtaí Taistil agus Cothabhála €186 (€3,897 in 2019) leis an bPríomhfheidhmeannach i gcomhréir le rátaí na Státseirbhíse.

Ní théann teidlíochtaí pinsin an Phríomhfheidhmeannaigh thar na teidlíochtaí caihdeánacha i scéim aoisliúntais shainithe na hearnála poiblí. Ní dhearnadh aon íocaíochtaí i gcoibhneas le feidhmíocht ar an bPríomhfheidhmeannach in 2020.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN Déardaoin 31 Nollaig 2020

5 Riarachán, Oibríochtaí agus Cur chun cinn

	2020 €	2019 €
Táillí Chomhaltaí an Bhoird ¹	50,259	50,873
Postas agus teileachumarsáid	68,069	59,092
Innealra oifige agus soláthairtí eile oifige	97,490	101,618
Glantachán oifige agus cothabháil	9,630	39,182
Solas agus Teas	8,548	11,816
Táillí dlí	184,088	169,358
Margaíocht agus Cur Chun Cinn	183,048	180,806
Táillí Fiosrúcháin	240,597	336,266
Táillí bainc agus ceadúnúcháin	35,650	37,502
Foilseacháin agus Tuarascálacha	6,579	33,272
Costais ghinearálta	64,501	78,033
Táillí cuntaisíochta	7,454	15,455
	955,913	1,113,273

Tabhair ar Aird: ¹Bunaíodh an tÚdarás Rialála Seirbhísí Maoine an 3 Aibreán 2012. Áirítear miondealú ar na táillí a íocadh ar chomhaltaí boird aonair in 2020 sa ráiteas rialachais ar na ráitis airgeadais seo.

6 Maoin, Innealra agus Trealamh

	TF €	Trealamh Oifige €	Troscán €	Iomlán €
Costas				
Amhail an Dé Céadaoin 1 Eanáir 2020	348,925	31,843	25,325	406,093
Suimeanna Breise	-	4,834	-	4,834
Diúscairt	-	(13,909)	-	(13,909)
Amhail an 31 Nollaig 2020	348,925	22,768	25,325	397,018
Dímheas carntha				
Amhail an Dé Céadaoin 1 Eanáir 2020	178,401	30,703	16,530	225,634
Gearrtha le linn na bliana	69,785	470	1,599	71,854
Diúscairt	-	(13,909)	-	(13,909)
Amhail an 31 Nollaig 2020	248,186	17,264	18,129	283,579
Glanluach Leabhair:				
Amhail an 31 Nollaig 2020	100,739	5,504	7,196	113,439
Amhail Dé Máirt 31 Nollaig 2019	170,524	1,140	8,795	180,459

Tabhair ar Aird: Tá buanúsáid 128 sócmhainn innealra agus trealamh ag an Údarás Rialála Seirbhísí Maoine, a bhfuil glanluach leabhair €18,745 acu amhail an 31 Nollaig 2020 a d'íoc an Roinn Dlí agus Cirt agus a bhfuil taifead déanta orthu mar sócmhainní i gcuntas leithreasa na Roinne.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN Déardaoin 31 Nollaig 2020**7 Cuntas Caipitil**

	2020	2019
	€	€
Iarmhéid amhail an 1 Eanáir	180,459	232,616
Amúchadh ag teacht le dímheas sócmhainní	(71,854)	(68,333)
Suimeanna Breise	4,834	12,086
Gluaiseachtaí Eile	-	4,090
	113,439	180,459

8 Fardail

	2020	2019
	€	€
Stáiseanóireacht	24,655	21,028
Fótachóipeáil / TF	10,332	4,288
Earraí Ilghnéitheacha	2,604	1,612
	37,591	26,928

9 Féichiúnaithe agus Réamhíocaíochtaí

	2020	2019
	€	€
Réamhíocaíochtaí	19,679	19,216
	19,679	19,216

Tá gach infháltas dlite laistigh de bhliain

10 Suimeanna Iníoctha agus Fabhruithe

	2020	2019
	€	€
Suimeanna Iníoctha agus Fabhruithe	72,404	64,173
	72,404	64,173

Tá téarmaí na bhfabhruithe bunaithe ar na conarthaí bunúsacha.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN Déardaoin 31 Nollaig 2020

11 Tobhach Pinsin

Is iad na costais tuarastail a n-áirítear sa chuntas seo costais chomhlána an Údaráis don tréimhse. Íocann an Roinn Dlí agus Cirt tuarastail thar ceann an Údaráis. Déanann an Roinn asbhaintí tobhaigh pinsin, de réir Alt 2(3) den Acht um Bearta Airgeadais Éigeandála ar Mhaithe le Leas an Phobail, 2009 (Uimh. 5 de 2009). Coinnítear mar Leithreasáí-i-gcabhair don Roinn sin iad agus b'ionann iad agus €30,144 (2019: €35,985).

12 Áitreabh

Tá ceannoifig an Údaráis lonnaithe ag Foirgnimh na Mainistreach, Bóthar na Mainistreach, An Uaimh, Co. na Mí, C15 K7PY agus chun gearáin a fhiosrú, ón oifig lonnaithe in Cearnóg an Easpaig, Baile Átha Cliath, D02 TD99. Cuireann Oifig na nOibreacha Poiblí an dá oifig ar fáil saor in aisce.

13 Dliteanais Theagmhasacha

Tá an tÚdarás Rialála Seirbhísí Maoine páirteach i roinnt cásanna dlí ag deireadh na bliana airgeadais. Níl an tÚdarás ábalta meastachán iontaofa a dhéanamh ar an tionchar airgeadais a d'fhéadfadh a bheith i gceist mar thoradh ar na cásanna seo.

14 Idirbhearta Le Páirtí Gaolmhar / Nochtadh Leasanna

Is iad atá i bPríomhphearsanra Bainistíochta ná an Príomhfheidhmeannach agus comhaltaí an Údaráis. Ba ionann an cúiteamh iomlán a íocadh le príomhphearsanra bainistíochta, lena n-áirítear táillí chomhaltaí an Údaráis agus luach saothair iomlán an Phríomhfheidhmeannaigh agus €153,385 (2019: €151,562).

Comhlíonann an tÚdarás Rialála Seirbhísí Maoine an Cód Cleachtais maidir le Rialachas Comhlachtaí Stáit (2016) arna eisiúint ag an Roinn Airgeadais maidir le nochtadh leasanna ag comhaltaí an Údaráis agus a fhoirne. Tá nósanna imeachta foirmiúla ann lena chinntiú go gcomhlíonfar an ceanglas seo den chód. Ní raibh aon idirbheartaíochtaí ann le páirtithe gaolmhara sa bhliain 2020.

15 Na ráitis airgeadais a cheadú

Cheadaigh Údarás an Údaráis Rialála Seirbhísí Maoine na ráitis airgeadais seo an 24 Bealtaine 2021.